

Ka Kaiphod Leit Jngoh İa Ka 'Thwei Japieh, Wah Mynrat bad Markham

Ka Khasi Department Shillong College ka la pynlong İa ka jingleit jngoh kai İa ka thwei Japieh, Mynrat bad Markham ha ka 23 tarik Naitung 2022. Ha kane ka sngi ki nonghikai jong ka Department ki la İalam İa ki khynnah 6th Semester ba dang shu pass, 5th Semester bad 3rd Semester bad baroh ngi İa don 84 ngut lem bad 5 ngut ki nonghikai. Ngi la mih na kolej ha ka por 8:00 baje mynstep bad poi ha ka por 10:30 mynstep. Ngi la mih da ar tylli ki bus bad ngi la İaid lyngba İa ka surok Shillong Tura road. Ynda la poi ha ka shnong Kynshi ngi la lad noh shaphang kadiang haduh ban da poi ha ka shnong Tiehnongbah nangne ngi la leit beit beit sha ka shnong Markham. Ynda la poi ha Markham ngi la sei la ki jasong ban pynkdang İa la ka snier.

Ka long kaei kaei kaba ngim lah ban mutdur ban İohi İa ki lum ki wah kiba ithiang ha kine ki jaka, kiba khring bad İapngiah shisha ban peit. Ka Iyer bapynngad bad ka suiİbneng kaba itynnad ka la pynkyndeh İa ngi baroh. Kat kum ki khana pateng na ki nongshong shnong, U Lum Symper, Kyllang bad Lummurok ki dei shipara. İa ka kyntien Markham la İoh kyrteng na u Soh kata u SohMarkham. Ka shnong Markham ka don kumba 67 km na Shillong, ka don kumba 80 tam ne duna eiei ki longİng, kat kum ka Census jong ka snem 2011 ka jingdon briew ka la kot shaduh ka 361 ngut kata 186 ngut ki shynrang bad 175 ngut ki kynthei.

Ka shnong Markham ka hap ha ka Mawthadraishan Block jong ka West Khasi Hills District. Ka jaka jngoh kai ha Lummurok ka don hapdeng lai tylli ki shnong kiba hap ha ki hima bapher. Kita ki long kumne, ka shnong Markham ka hap ha ka hima Mawİang, ka shnong Laitnongrim ha ka hima Nongspung bad ka

Diwah ha ka hima Maharam. Kumta ka Lummurok ka don hapdeng ki lai hima (Triangle). Ka Shnong Markham ka don ia ki lum kiba itynnad ha kaba ki khynnah sharai blang sharai masi ki ju ai bam ia ki jingri jingdup jong ki, ki khynnah rit jong kane ka shnong ki don ruh ia ka sap kaba phylla ha kaba ki thain bad shna jingda sngi da ki sla tang hapoh ka katto katne minit. Ka jingiphuh iphieng jong ka mei mariang bad ka jingbeh sngewtynnad jong ka lyer ka pynlong ia ngi ba ngin klet noh ia kiei kiei baroh bad jngi shipor ha ka jingithiang bad iapngiah jong ki lum bad ki pyntha jyrngam.

Ka Thwei Japieh ka don kumba ar ne lai kilometre na Tiehnongbah. Ki riewtymmen jong kine ki thain ki ju leit peit ia kane ka Thwei ha u bnai Kyllalyngkot bad Rymphang ban tip ia ka jinglong jingman jong ka suiñbneng ha kine ki thain. Ha kane ka thwei ka don ka Japieh bad ka rew ne pylleng jong kane ka japieh ka ju ai dak ia ka jinglong jingman jong ka suiñbneng (slap ne rang) ia ka nemsniew ne ia kano kano ka jingjia ba phylla bad khyllah ki pylleng japieh ki ju ai dak hangne. Kat kum ka jingiaathuh ki trai shnong ia ka Thwei Japieh la ju khot ruh ka Thwei khein niam. Kat kum ka jingiaathuh jong u bah S. Nongsiej (43 snem ka rta na ka shnong Markham) u la iaathuh ba ha ka snem ba iap u Former President jong ka Ri, kata u Dr. A. P. J. Abdul Kalam ha shillong ki riewtymmen na kane ka thain ki la i lypa ia ka dak na kane ka Thwei Japieh ban sa iap ki riewkhrav. Kane ka Thwei Japieh ka don ruh kawei ka krem um kaba pei shaduh Umshit Jakrem.

Hashuwa ba ngin leit phai noh sha la iing ngi la ioh ka jingiadih sha sngewbha kaba long ruh kum shi bynta ban pynsyaid ia ka met. Ngi la mih na ka shnong Markham ha ka por 4:30 pm bad wan poi biang ha Shillong ha ka por 7:30 janmiet.



3rd Semester



5th semester



Outgoing 6th semester